



UNIVERSITÄTS-  
BIBLIOTHEK  
PADERBORN

**Paraphrasis Psalmorvm Davidis Poetica**

**Buchanan, George**

**Argentorati, M. D. LXVIII.**

**VD16 B 3125**

Psal. LXXXIX. Misericordias Domini in æternum cantabo: &c. Carm. gen.  
1.

---

[urn:nbn:de:hbz:466:1-69145](https://nbn-resolving.de/urn:nbn:de:hbz:466:1-69145)

An rediuiua tuas in laudes ora resoluent  
 Quos gelido tellus claudit auara sinu?  
 An tua sub tumuli bonitas cantabitur antro?  
 Vulgabuntue tuam muta sepulcra fidem?  
 Iustitiāmōe tuam tacitura silentia pudent?  
 An referent uires nox tenebræq; tuas? (mo:  
 Ast ego, sancte parens, supplex tua numina cla  
 Nec precib; uacua est hora locūsue meis.  
 Sancte parēs, animæ auxiliū cur subtrahis ægræ?  
 Cur surda miseras respuis aure preces?  
 Me dolor & primis labōr anxius urit ab annis.  
 Me trepidi exanimant corde micāte metus.  
 Me furor exagitat tu?, opprimit undiq; terro?  
 Agmen ut hybernæ quod sata mergit, aquæ?  
 Aeger inops caris iaceo desertus amicis:  
 Nec noti ærumnis ingemuere meis.

PSAL. LXXXIX. Misericordias D  
mini in æternum cantabo: eccl. Carm. gen. 1.

**T**V mihi carīc eris, rerū pater optime, sem  
per:

Notaq; erit populis bonitas me uate futuris,  
 Pollicitiq; immota fides, dum sidera mundo  
 Voluentur tacito. citius quoq; sidera credam  
 In chaos antiquum lapsō se condere mundo,  
 Irrita quam sacri credam fore fœdera paci,  
 His concepta tuo quondam cū Davide verbis  
 Dum mare, dum tellus staret, dum sidera cæli,  
 Dauidici generis mansuram in sœcula prolem,  
 Et stabilem regni uentura in tempora sedem.

Tc

Te pater, ætherei cœtus, te iure piorum  
Sæcla hominum celebrant, patrantem ingéтиа  
mundo

Mirante, & stabilis ius in uiolabile paci  
Seruantem, quē terra tibi, quē conferet æther  
Magne pares, quē siderei tremit omissis Olympi  
Cœtus, & attoniti submissa mente tyranni.

Armorum belliq; potens, quo cunq; moueris,  
Alma fides clara circum te luce refulget.

Tu maris irati furias compescis, & undæ  
Deiçis insanæ tumidos ad sidera fluctus.

Tu Pharon elatam letali uulnere sternis,  
Et quicunq; tuis miserum caput obijcit armis.

Te, terræ cæliq; opifex: quæcunq; capaci  
Complexu facies mundi reuolubilis ambit,  
Auctore agnoscūt: Aquilo tibi seruit & Auster:

Thabor & Occiduum qui condit uertice sole,  
Quiq; rubet radijs Hermon tepefactus Eois,

Lætitia exultant, ualidæ tu robore dextræ  
Clara per immēsum spargis miracula mundū.

Ante tuū solium tibi iustū apparet & æquum:  
Ante oculos adstat bonitas, & nescia flecti

Promissi sincera fides. O terq; quaterq;  
Felices quos festarum clangore tubarum

Ad tua sacra uocas: quos sacri lumine uultus  
Illustras, hilaresq; tui sub nominis umbra

Custodis: bonitate tua superæthera uectis  
Das uires, decus, imperium, das impia contra

Agmina, ceu clypeum, per dura pericula regē.  
Tu tibi dilectum secreto numine uatem

Implesti, ut sæclis daret hæc responsa futuris:

Ipse

Ipse mihi legi media de plebe' meoq;  
Imposui regem solio, qui protegat armis  
Isacidas, populoq; meo qui iura ministret:  
Dauidis & sacro perfudi tempora olio.  
Huic animum uiresq; dabo, præsensq; tuebor  
Perpetuò, ne fraude scelus, ne robur aperiè  
Exitium ferat: ipse hostes, ipse impia sternet  
Agmina: nullam eam uertet sententia mentem.  
Auxiliumq; feram bonus, & super ætheris axe  
Nominis auspicio nostri se gloria tollet.  
Iura dabit terris rapido quas gurgite claudit  
Hinc mare Sidonia fœcundum murice, & illinc  
Palmifer Euphrates. supplex me in uota uoca.  
Ille patré. Deus ille meus tu, (dicet) & unū (bit)  
Præsidium, una meæ custodia certa salutis.  
Hunc ego præcipuo contrâ dignabor honore,  
Supra aliosq; dabo rerum moderamina reges  
Quicunq; immensum populis dant iura per  
orbem.  
Nec meus absistet fauor illi in sæcla, nec illi  
Iurata æterna soluentur fœdera pacti.  
Quin sobolé, & sobolis feros in cuncta nepotes  
Sæcla dabo, & stabilis sceptrum immutabile  
regni,  
Donec ab obscuris lucem sol diuidet umbris.  
Quòd si posteritas mea fœdera sancta profa-  
net  
Immemor, & legem spernat, iuslæm q; recusat  
Ire uiam, domitos pœnis duroq; labore  
Compescam, & plagis usq; exercebo rebelles.  
At neq; destituam regem bonitate perenni,

Fœdera

Fœdera nec soluam, nec quod semel ore pro-  
Vlla immutabit ueteri temporis ætas. (fudi,  
Quippe semel sancto firmavi fœdere, iurans  
Per me, Nulla dies initi cum Dauidi pacti  
Immemorem arguerit. soboles, dum sæcula  
mundus

Voluet, ei patrij sceptri moderamen habebit.  
Esto mihi sol testis ad hæc, & conscientia luna,  
Cum quibus æquæuum sceptrū Iudea tenebit.  
At nunc, sancte parés, tumida inflamat⁹ ab ira,  
Projcis electum regem, rata fœdera pacti  
Negligis, & capiti sacrum diadema reuulsus  
Sternis humi, & populis præbes calcare profa-  
Nuda patet hosti dñectis oppida muris: (nis.  
Si qua manet, gelida formidine concutis arcē.  
Cunctis præda sumus populis: rapiuntq; fe-  
runtq;

Vicini, insultantq; malis, miserisq; proteruis  
Vocibus illudunt, hostis tu robore dextram  
Interea firmas, perfundis pectora dulci  
Lætitia: ac gladios hebetas in uulnera nostros:  
Nec recreas fractos duro in discrimine belli.  
Iam decus & regni splendor, iam proxima cælo  
Maiestas uerba in tenebras, solijq; superbi  
Gloria strata iacet, breuis immatura iuuent⁹  
Stamina præcidis: miseræ pars ultima uitæ  
In luctu, in squalore ignominiæq; senescit.  
Quem finem dabis ærumnis, nūquāmne tuorū  
Respicias clades vultu placatus amico?  
An, ceu flamma furens, semper tua sœuiet ira?  
Ipse memor tecum reputa quām concita no-  
stræ

Tem-

Tempora prætereant uitæ. frustra ergo crearis  
 Huinani generis sobolem, ut breuis exigat æui  
 Tempora, perpetuò curarum exercita fluctu:  
 Dum fractam luctu & morbis, senioue, sepulcri  
 Clauerit oblicuro mors illacrymabilis antro.  
 Heu bonitas ubi prisca? fides ubi pristina? ubi il  
 Fœdera cōceptis quondā cū Dauide uerbis (la  
 Facta tibi? cerne opprobijs quib⁹ impia seruos  
 Turba tuos premat i. sultans: quam multa si-  
 lenti

Clausa sinu maledicta ferā, dū turba profana,  
 Dum circū innumerę gētes conuitia fundunt,  
 Nosq⁹ tui Christi uerbis petulanter amaris  
 Aduentum sperare iubent. At tu bone rerum  
 Conditor, æterno uerax celebraberis æuo.

## GEORGII BV CHANANI PARAPHRASIS, IN quartum librum Psalmorum.

PSAL. XC. Domine, refugium facias es  
 nobis in generatione, &c. Carm gen. 3.  
 Aelitum rector bone, abusq⁹ primis  
 Sæculis, mundi ruidis & iuuenta  
 Qui laborantes ope subleuasti  
 Semper amicos:  
 Ante-